

Broj: 01-01.3-2559-7/24 ES

Datum: 24.04.2024. godine

Na osnovu člana 70. stav (3) Zakona o javnim nabavkama ("Službeni glasnik BiH" broj: 39/14 i 59/22), te člana 17. Pravilnika o javnim nabavkama JP Autoceste FBiH d.o.o. Mostar br.: NO 1.01-3837-12/23 od 12.06.2023. godine i preporuke Komisije za javne nabavke konstatovane u Zapisniku o pregledu i ocjeni ponuda broj: 01-01.3-2559-6/24 ES od 22.04.2024. godine, v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

### **ODLUKU o izboru najpovoljnijeg ponuđača u otvorenom postupku**

I

Ugovor za izvođenje radova: „Izvođenje radova na zamjeni prelaznih naprava na mostovima“ u vrijednosti od 551.217,06 KM sa uračunatim PDV-om dodjeljuje se ponuđaču „**SIKRA**“ d.o.o. **Sarajevo**, sa registrovanim sjedištem u ulici Antuna Hangija br. 104, 71000 Sarajevo, ID broj: 4200001630001, koji je u otvorenom postupku jedini dostavio prihvatljivu ponudu.

II

Ugovor se zaključuje nakon provedenog otvorenog postupka za koji je dana 26.03.2024. godine objavljeno Obavještenje o nabavci, broj: 266-1-3-52-3-155/24 na Portalu javnih nabavki. U provedenom postupku zaprimljena je 1 (jedna) ponuda te je za istu utvrđeno da ispunjava sve uslove i zahtjeve propisane tenderskom dokumentacijom.

III

U ovom postupku je predviđeno provođenje e-aukcije, ali kako je zaprimljena samo jedna ponuda te je ista prihvatljiva, e-aukcija se ne može zakazati, u skladu sa članom 4. stav (2) Pravilnika o uslovima i načinu korištenja e-aukcije („Sl. glasnik BiH“, broj: 80/23), nego se postupak okončava u skladu sa članom 69. Zakona.

IV

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba) i to istovremeno s upućivanjem Odluke ponuđačima koji su učestvovali u postupku nabavke.

### **O b r a z l o ž e n j e**

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. st. (1) i (6), 18. stav (1) i 19. stav (1) Zakona, pokrenulo otvoreni postupak broj: 01-01.3-2559/24 ES za nabavku radova: „Izvođenje radova na zamjeni prelaznih naprava na mostovima“. Na Portalu javnih nabavki objavljeno je Obavještenje o nabavci broj: 266-1-3-52-3-155/24 dana 26.03.2024. godine.

Kriterij za dodjelu ugovora je „najniža cijena“.



Na osnovu Obavještenja o nabavci i tenderske dokumentacije izvršeno je javno otvaranje ponuda dana 16.04.2024. godine u 10:30 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Hamdije Kreševljakovića broj 19, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da je ponudu blagovremeno predao 1 (jedan) ponuđač.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda 01-01.3-2559-6/24 ES od 22.04.2024. godine, koji je sastavni dio ove Odluke.

Shodno prijedlogu i preporuci Komisije za nabavke, koji je ugovorni organ prihvatio, ugovor za nabavku radova: „Izvođenje radova na zamjeni prelaznih naprava na mostovima“ u ukupnoj vrijednosti od 551.217,06 KM sa uračunatim PDV-om dodjeljuje se ponuđaču „**SIKRA**“ d.o.o. **Sarajevo**, sa registrovanim sjedištem u ulici Antuna Hangija br. 104, 71000 Sarajevo, ID broj: 4200001630001, koji je u otvorenom postupku jedini dostavio ponudu, a koja je prihvatljiva.

Shodno navedenom, ugovorni organ je prihvatio prijedlog Komisije i donio Odluku kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

v.d. izvršnog direktora  
za upravljanje i održavanje

.....  
**Mirko Rogić**

v.d. direktora:

.....  
**Denis Lasić**

Dostaviti:

- ponuđačima koji su predali ponude
- a/a



Broj: 01-01.3-2559-6/24 ES

Datum: 22.04.2024. godine

U skladu sa članom 65. Zakona o javnim nabavkama („Službeni glasnik BiH“, broj 39/14 i 59/22), članom 8. Pravilnika o uspostavljanju i radu komisije za javne nabavke („Službeni glasnik BiH“, br: 103/14 i 49/23), članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 15. Pravilnika o javnim nabavkama JP Autoceste FBiH d.o.o. Mostar, broj: NO 1.01-3837-12/23 od 12.06.2023. godine, Komisija za nabavke imenovana Rješenjem, broj: 01-01.3-2559-4/24 ES od 15.04.2024. godine (u daljem tekstu: Komisija), sačinjava:

### ZAPISNIK O PREGLEDU I OCJENI PONUDA u otvorenom postupku

- a) **Naziv i sjedište ugovornog organa:** JP Autoceste FBiH d.o.o. Mostar;
- b) **Predmet nabavke:** Nabavka radova: „Izvođenje radova na zamjeni prelaznih naprava na mostovima“;
- c) **Evidencijski broj nabavke:** 01-01.3-2559/24 ES;
- d) **Vrsta postupka javne nabavke:** Otvoreni postupak;
- e) **Procijenjena vrijednost nabavke:** 475.000,00 KM (bez PDV-a);
- f) **Broj obavještenja o nabavci sa Portala javnih nabavki:** Obavještenje o nabavci broj: 266-1-3-52-3-155/24, objavljeno dana 26.03.2024. godine;
- g) **Datum početka pregleda i ocjene ponuda:** Komisija je počela sa pregledom ponuda 16.04.2024. godine;
- h) **Naziv i sjedište svih ponuđača, prema redoslijedu zaprimanja ponuda:** Komisija za nabavke za predmetni postupak je utvrdila da je do krajnjeg roka za dostavljanje ponuda blagovremeno zaprimljena 1 (jedna) ponuda i to kako slijedi:
1. „**SIKRA**“ d.o.o. Sarajevo, zaprimljena dana 08.04.2024. godine u 10:30 sati, sa ukupnom ponuđenom cijenom u iznosu od **471.125,70 KM** bez uračunatog PDV-a, odnosno **551.217,06 KM** sa uračunatim PDV-om.
- i) **Podaci o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata;
- j) **Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nema ispravki koje su urađene na način da su vidljive, potvrđene potpisom ponuđača i sa datumom izvršene ispravke;
- k) **Analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača:**



R.B.	ANALIZA, PREGLED I OCJENA PONUDA	NAZIV PONUĐAČA
	Izvođenje radova na zamjeni prelaznih naprava na mostovima	„SIKRA“ d.o.o. Sarajevo
a.	Kvalifikacioni uslovi:	
1.	<p><b>Lična sposobnost - kvalifikacija prema članu 45. ZJN:</b></p> <p><b>USLOVI:</b> U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrđi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p><b>DOKAZ:</b> U svrhu ispunjavanja uslova iz prethodne tačke ponuđači trebaju dostaviti <b>Izjavu ovjerenu kod nadležnog organa (organ uprave ili notar)</b> da se na njih ne odnose slučajevi definisani tačkom 7.1.1. od a) do d) tenderske dokumentacije. Izjava se dostavlja u formi utvrđenoj Aneksom 6 tenderske dokumentacije;</p>	+*
2.	<p><b>Sposobnost obavljanja profesionalne djelatnosti:</b></p> <p><b>USLOV:</b> Što se tiče sposobnosti za obavljanje profesionalne djelatnosti ponuđači moraju biti registrovani za obavljanje djelatnosti koje je predmet javne nabavke.</p> <p><b>DOKAZ:</b> U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.</p>	+



	<p><b>Tehnička i profesionalna sposobnost:</b></p> <p><b>USLOV:</b></p> <p>Što se tiče tehničke i profesionalne sposobnosti, ponuđači trebaju ispuniti slijedeće minimalne uslove, a koji se mogu potvrditi dokazima iz člana 51. Zakona, a to su:</p> <p>a) uspješno iskustvo u izvođenju radova koji su predmet nabavke (ugradnja prelaznih naprava) i to najmanje 10 (deset) ugrađenih prelaznih naprava u posljednjih 5 (pet) godina ili od datuma registracije, ako je ponuđač registrovan odnosno počeo s radom prije manje od 5 (pet) godina;</p> <p><b>DOKAZI:</b></p> <p>Ocjena tehničke i profesionalne sposobnosti ponuđača će se izvršiti na osnovu jednog ili više dokaza:</p> <p>a) spisak izvršenih ugovora čiji je predmet izvođenje radova koji su predmet nabavke (ugradnja prelaznih naprava) u posljednjih 5 (pet) godina ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 5 (pet) godina. Iz spiska mora biti vidljivo da je ponuđač imao najmanje 10 (deset) ugrađenih prelaznih naprava u traženom periodu.</p> <p>Uz spisak izvršenih ugovora ponuđač je dužan dostaviti <b>potvrdu/e</b> o uspješnoj realizaciji poslova na ugradnji najmanje 10 (deset) prelaznih naprava u posljednjih 5 (pet) godina koje su izdate od drugih ugovornih strana, a koja obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenoj ugradnji prelaznih naprava. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede.</p>	
3.		+
		+
4.	Izjava iz člana 52. Zakona data u Aneksu 7. ili 7.1	+
<b>b.</b>	<b>Ispunjenost uslova u pogledu dostavljanja svih potrebnih dokumenata prema sadržaju ponude:</b>	
1.	Popunjen Obrazac za ponudu koji je dat u Aneksu 2 tenderske dokumentacije	+
2.	Popunjen Obrazac za cijenu ponude koji je dat u Aneksu 3 tenderske dokumentacije	+
3.	Popunjen Obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obraz ukoliko imaju povjerljivih informacija)	+++
4.	Izjava o ispunjenosti uslova iz člana 45. Zakona o javnim nabavkama data u Aneksu 6 tenderske dokumentacije	++
5.	Potpisan Nacrt ugovora koji je dat u Aneksu 5 tenderske dokumentacije	+



6.	Garancija za ozbiljnost ponude prema obrascu datom u Aneksu 8 tenderske dokumentacije, iznos 5.000,00 KM, rok važenja do 12.08.2024. godine	+
7.	Parafiran projektni zadatak i popunjen Predmjer radova koji su dati u Aneksu 12 tenderske dokumentacije	+
8.	Izjava o karakteristikama ponuđenih prelaznih naprava, prema obrascu datom u Aneksu 13 tenderske dokumentacije	+
9.	Izjava o obezbjeđenju ovlaštenja data u Aneksu 14 tenderske dokumentacije	+***
10.	Izjava o namjeri podugovaranja (ukoliko ponuđač ima namjeru podgovoriti dio ugovora) data u okviru Aneksa 2 tenderske dokumentacije	n.p.
11.	Popis dokumentacije koja je priložena uz ponudu	+
<b>c.</b>	<b>Prikaz prihvatljivosti ponuda prema obliku sadržaju i potpunosti</b>	
1.	Cjelovitost ponude	+
2.	Uvezana u cjelinu/knjiga, obezbijedena jemstvenikom	+
3.	Ponuda napisana neizbrisivom tintom	+
4.	Pravilno numerisana ponuda	+
5.	Ponuda napisana na jednom od službenih jezika u BiH	+
6.	Ispravke u ponudi	n.p.
7.	Računske greške	n.p.
8.	Izmjene/dopune ponude i odustajanje od ponude	n.p.
9.	Ponuda potpisana od strane ovlaštene osobe	+
10.	Dostavljena kopija ponude	+
<b>PRIHVATLJIVOST PONUDE (DA/NE):</b>		<b>DA</b>

**Napomena:**

- (+) u skladu sa tenderskom dokumentacijom **zadovoljava**;
- (+\*) uz Izjavu, ponuđač je u sastavu ponude dostavio ovjerene kopije dokaza o ispunjavanju uslova iz člana 45. st. (1) tač. a) do d) Zakona, kojima dokazuje ispunjenost postavljenih uslova u pogledu lične sposobnosti ponuđača
- (+\*\*) ponuđač nema povjerljivih informacija u ovom postupku;
- (+\*\*\* uz Izjavu, ponuđač je u sastavu ponude dostavio ovjerenu kopiju Ovlaštenja za obavljanje djelatnosti građenja/izvođenja radova, i to: izvođenje prelaznih dilatacija i ležišta na mostovima;
- (n.p.) **nije primjenjivo**;



- l) **Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:** Nema ponuđača koji se isključuju zbog neispunjavanja uslova za kvalifikaciju;
- m) **Prikaz traženih i dostavljenih garancija za ozbiljnost ponude:** U skladu sa tenderskom dokumentacijom ponuđač "SIKRA" d.o.o. Sarajevo je dostavio zahtijevanu garanciju za ozbiljnost ponude u zahtijevanom iznosu i propisanoj formi, sa propisanim rokom važenja.
- n) **Podaci o pojašnjenju ponuda:** Nije traženo pojašnjenje ponuda;
- o) **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprmljena ponuda je uredno zapakovana, cijena bez PDV-a upoređena u obrascima Aneks 2 i Aneks 3, identična u oba obrasca kod ponuđača;
- p) **Analitički prikaz traženih i dostavljenih dokaza profesionalne i tehničke sposobnosti ponuđača:** U skladu sa tačkom k) ovog Zapisnika;
- q) **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprmljena ponuda ispunjava sve zahtjeve u pogledu opisa predmeta nabavke i Projektnog zadatka;
- r) **Podaci o ispravkama računskih grešaka u ponudama ako ih je bilo:** Nema računskih grešaka u ponudi;
- s) **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** U skladu sa stavkom l) ovog Zapisnika;
- t) **Razlozi za odbijanje ponude zbog neprirodno niske cijene:** Nije primjenjivo;
- u) **Analiza prihvatljivih ponuda prema kriteriju za izbor ponude:** Budući da je ponuda ponuđača „SIKRA“ d.o.o. Sarajevo jedina dostavljena i ispunjava sve kvalifikacione kao i ostale uslove i zahtjeve propisane tenderskom dokumentacijom, te su dostavljeni svi dokazi na propisan način, Komisija za javne nabavke daje preporuku da se ugovor za predmetnu nabavku dodijeli navedenom ponuđaču sa ukupnom cijenom u iznosu od 551.217,06 KM sa uračunatim PDV-om.
- v) **Provođenje e-aukcije u skladu sa Pravilnikom o uslovima i načinu korištenja e-aukcije („Sl.glasnik BiH“ broj 80/23):** Ugovorni organ je u tenderskoj dokumentaciji i Objavještenju o nabavci za predmetnu nabavku predvidio održavanje e-aukcije. S obzirom na to da je Komisija utvrdila da je zaprmljena 1 (jedna) ponuda te da je ista prihvatljiva, e-aukcija se ne može zakazati, u skladu sa članom 4. stav (2) Pravilnika o uslovima i načinu korištenja e-aukcije („Sl. glasnik BiH" broj 80/23), nego se postupak okončava u skladu sa članom 69. Zakona;
- w) **Rangiranje prihvatljivih ponuda prema kriteriju za izbor ponude:** U skladu sa tačkom 9.1.1. tenderske dokumentacije kriterij za dodjelu ugovora je „najniža cijena“.

Naziv ponuđača	Cijena bez PDV-a	Popust (%)	PDV (17%)	Ukupna cijena sa popustom i PDV-om
„SIKRA“ d.o.o. Sarajevo	471.125,70 KM	0%	80.091,36 KM	<b>551.217,06 KM</b>




- x) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Ugovorni organ namjerava zaključiti ugovor sa ponuđačem „SIKRA“ d.o.o. Sarajevo, sa registrovanim sjed štem u ulici Antuna Hangija br. 104, 71000 Sarajevo, ID broj: 4200001630001, iz razloga što je jedini dostavio ponudu u predmetnom postupku, a ista je prihvatljiva, odnosno ispunjava sve uslove i zahtjeve propisane tenderskom dokumentacijom;
- y) **Podaci o dijelu ugovora koji se daje u podugovor i podaci o podizvođaču:** Ponuđač nije izrazio namjeru podugovaranja;
- z) **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Ponuđač je uz ponudu dostavio dokumente kojim dokazuje ispunjavanje uslova lične sposobnosti na osnovu člana 45. stav (1) tač. a) do d) Zakona o javnim nabavkama te isti nije obavezan dostavljati ponovo nakon prijema Odluke o izboru najpovoljnijeg ponuđača. Također, uz Izjavu, ponuđač je u sastavu ponude dostavio ovjerenu kopiju Ovlaštenja za obavljanje djelatnosti građenja/izvođenja radova.
- aa) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Predlaže se v.d. direktora JP Autoceste FBiH d.o.o. Mostar da za nabavku radova: „Izvođenje radova na zamjeni prelaznih naprava na mostovima“ donese odluku kojom se ugovor u vrijednosti od **551.217,06 KM** sa uračunatim PDV-om dodjeljuje ponuđaču „SIKRA“ d.o.o. Sarajevo, koji je jedini dostavio ponudu, a koja je prihvatljiva, odnosno ispunjava sve uslove i zahtjeve propisane tenderskom dokumentacijom.
- bb) **Datum završetka postupka pregleda i ocjene ponuda:** Komisija je završila pregled i ocjenu ponuda dana 19.04.2024. godine;
- cc) **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):** Ovaj Zapisnik nema priloge;
- dd) **Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:**

Članovi komisije:

Edin Sijamić, predsjednik komisije

Sanda Hebibović, član komisije

Damir Kulenović, član komisije



Saglasan

Denis Lasić,  
v.d. direktora

